



“I te cherdí con to ennom” dij le Signur.

Con le sacramont dal Bato ven tut sò tla comunité dla Dlijia **Jack Garcia Ellecosta** (Longega). La ploania d’La Pli ti fej les mius aodanzas ai geniturs Morris y Ursula: Idio, la Oma dal Ci y le Sant Patron acompagneii Osc môt con sôa benedisciun y proteziun.

Festa 125 agn Stödafüs d’La Pli, 29 de ma: al ven enformé che dales 7:00 ales 24:00 él proibí da passé con auti y motors sôn plaza de dlijia. Dales 7:30 ales 9:00 y dales 14:00 ales 17:00 él ince proibí da passé con auti y motors sôn la strada La Pli, dal zenter abité cina a Brach. La jont d’La Pli é periada da lasci i auti a ciasa o da i parché fora de paisc.

UNITÉ PASTORALA



Enformaziuns dl’Unité pastorala Val Badia

Che él pa co deida tla preparaziun ai Sacramonc? Vigne sorvisc é prezios, al costa dediziun y tomp, mo al porta ligreza y benedisciun. Por le sorvisc de preparaziun ai Sacramonc (Bato, Pröma Comegnun y Confermaziun) vegnel pité na formaziun sceria da d’altonn tres la Unité pastorala Val Badia. Por enformaziuns y iscriziun al curs telefoné a Annamaria Fiung, ☎ 347 5277810 cina ala fin de jügn. I aspetun osta cherdada.

N de enteressant tal Seminar da Porsenú: le Seminar con signor Markus Moling enveia jogn y ei enteressés a passé en sabeda ai 28 de ma n de deboriada tla ciasa dal Seminar con n bel programm. Da se enformé y prenoté al ☎ 0472 271100.



Enformaziuns y termins

KVW Senioreclub: en dedemesaledema ai 25 de ma junse con le Mareo Bus dal Cone demez ales 9:17 cina a Falzes y danlá a pa cina Irenberg, saorí da jí.

La Scora de Musiga Val Badia enveia der bel al concert de concluiun te dlijia y defora en lõnesc ai 30 de ma a Al Plan, ales 17:00 te dlijia y ales 18:00 sôn paiun. Al sará da aldi melodies y toc musicai portés dant dales scolares y dai scolars dla Scora de Musiga.

Le Sci Club d’Al Plan enveia düc i atlec, geniturs, sostegnidus y enteresses ala riuniun generala en vendres 27 de m dales 20:00 tal salf dla Cassa Raiffeisen a Al Plan. Te cösta ocajiun gnarál tut sò les iscriziuns por la proscima sajun y lité le comité nò.

La Ciamera dal quant a Piculin é sen endô daverta la jöbia dales 14:00 ales 16:00.

Döt le bun a:	Giuliana Ellemunter ved. Maffei, Savignano	* 22.05.1936
	Anna Erardi, Pietra Ligure	* 23.05.1925
	Anna Daverda Rindler	* 23.05.1932
	Anna Trebo Niederkofler, Bolser/Antholz	* 23.05.1942
	Jan Rindler	* 24.05.1932
	Albert Willeit, Al Plan	* 24.05.1939

y a düc chi co á santennom y complesc i agn cöst’edema

Impressum: Ploania d’La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org



Plata dla Ploania
La Pli de Mareo
 Santa Maria dal Bun Consei

Ploian: Signor Klaus Sottsas
 ✉ klsottsas@rolmail.net

Calogna Al Plan: ☎ 0474 501006
 Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann C

22.05.2022 - Sesta domegna de Pasca

n. 26

En Spirit nò

☞ St.Ap 15, 1–2.22–29 | Rev 21, 10–14.22–23 | Jan 14, 23–29

Dal Vangelo do San Jan:

Te chel tomp á dit Gejú a sü discepu: ²³Sce önn m’ò bun, se tignará a mia parora; mio Pere ti orará bun y nos gnarun da d’el y abitarun pa d’el. ²⁴Chel co ne m’ò nia bun, ne se ten nia a mia parora. Y la parora che os aldiis, ne ven nia da me, mo dal Pere, co m’á mené. ²⁵Cösc ves á dit, ciamó dertan ch’i sun pa os. ²⁶Le paraclet, le Spirit Sant, che le Pere menará te mio ennom, chel ves ensegnará döt y ves recordará döt ci ch’i ves á dit. ²⁷I ves lasci la pêsc, i ves dá mia pêsc; nia desche le monn la dá, ves la dá. Osc cör ne dess nia se disturbé y ne dess nia s’la odei. ²⁸Os eis aldí, ch’i ves á dit: I m’an va y i vegni endô da os. Sc’i m’oresses bun, se ralegrasses, ch’i va dal Pere; deache le Pere é plü gran co iu. ²⁹I ves al á dit belo sen, denant ch’al sozedi, por ch’i roeise a creie, canch’al sozedará.

I ponsun do: Al n’é nia na delujiun plü grana por na porsona credonta, co na comunité co se taca ma al passé, na comunité co ne chir degünes respostes ales domandes d’aldedancö y co vir sonza entusiasma ma plü deforaia. Chel co mina da podei sté chit tla fede, é tal laur da la perde. Gejú baia porchel de chel Spirit, co se dá entres endô motivaziun y se condüj ennant.

I periun: Signur, to Fi s’á empormetü l’aiüt dal Spirit Sant. Dasse entusiasma por na vita dedicada a te y ala parora de Gejú Crist, co vir y regneia con te por dagnora.

Vesco Wilhelm Egger "Sonntagsbibel"



☞ Letöres dla gran festa d’Ascensiun dal Signur - Palsacrusc:

St.Ap 1, 1–11 | Ef 1, 17–23 | Ebr 9, 24–28; 10, 19–23 | Lc 24, 46–53

Edema liturgica dai 22.05. ai 29.05.2022

DOM 22.	Sesta domegna de Pasca FESTA DLA PRÖMA SANTA COMEGNUN	<i>Rita da Cascia, Renata, Julia</i>
→ 08:30	<i>s.m. a Al Plan</i>	
→ 09:45	i acompagnun les 9 mitans y i 5 mituns dla Pröma Santa Comegnun da paiun sò te dlijia gran messa por i comunicanc y por dōta la ploania ♪ <i>grup de mituns</i>	
Lön 23.	<i>Berto, Desider</i>	
18:00	<i>s.m. a Al Plan</i>	
Ded 24.	<i>De mondial d'oraziun por la dlijia tla Cina Ester, Dagmar</i>	
07:30	s.m. de rengraziamont por les families Rindler de Nichele s.m. por † Jan Maneschg da Poz s.m. por les Püres Armes	
Dem 25.	<i>Beda, Gregor VII., Maria Magdalena da Pazzi</i>	
→ 19:00	funziun de rengraziamont dai mituns y dles mitans co é jüs ala Pröma Santa Comegnun y söes families	
Jöb 26.	<i>dles Crusc Filip Neri, Maria Anna</i>	
→ 06:00	prozesciun fora Sares , enló s.m. en onú de Santa Maria s.m. por i †† dla familia Ritsch, Tomele da Rara	
Ven 27.	<i>dles Crusc Augustin da Canterbury, Bruno</i>	
→ 19:30	prozesciun fora Pliscia , enló zelebrazium dla Parora de Dio	
Sab 28.	<i>dles Crusc German, Wilhelm</i>	
06:30 ca.	röa adalersch la prozesciun da Valsperch , s.m. do entenziun	
→ 07:30	prozesciun a Curt (<i>enló degüna messa</i>)	
→ 09:00	s.m. en onú de Santa Maria con les prozesciuns dla bassa Val Badia s.m. dal ann por † Angela Frena ved. Rovara, Plans ♪ <i>grup dal cor</i>	
15:00	funziun dal Bato de Jack Garcia Ellecosta	
DOM 29.	GRAN FESTA DL'ASCENSIUN DAL SIGNUR – PALSACRUSC	
	De mondial dai mesi de comunicaziun soziai	
08:30	→ <i>sön paiun</i> , gran messa por dōta la ploania <i>oferta por la ploania</i> s.m. en onú de San Florian en ocasiun dal iubileum "125 agn Stödafüs d'La Pli"	
10:00	<i>s.m. a Al Plan</i>	
<i>ampola:</i>	por la pêsc	
<i>ministronc:</i>	<ul style="list-style-type: none"> • dedolönesc y sabeda: Elisabeth y Jacklyn • jöbia y domegna: Pio y Manuel 	
<i>i recordun:</i>	Elena Rigo Angela Frena ved. Rovara	† 24.05.2014 † 27.05.2021



Via Lucis – Le tru dla löm (5)

9ª Staziun: Gejú se manifesteia söle Le de Tibéria

I t'adorun, Gejú rosserí y i te rengraziun. *Con töa ressozeziun i aste dé vita nea al monn.*

Gejú s'á manifesté ai discepuj söle le de Tibéria a cōsta maniera. Sciomun Pire y i atri ea piés ia y fora y é jüs tla barca. Mo en che net ne n'ái pié nia. Canch'al gnea belo de, ea Gejú sön spona. I discepuj endere ne sâ nia ch'al ea Gejú. Gejú ti á dit: Mi mituns, ne n'eise nia da mangé? Ai ti á respognü: Na. Mo el ti á dit: Sciürede fora la rei dala pert derta dla barca, y i abinareis val'. Ai á sciüred fora la rei y n'ea nia plü boggn da la trá endò ete, tan plena de pesc êra. (*Jan 21, 1...*)

Gejú rosserí, valiade manaci ince iu da la dé sò!
Dámo ince a me la sbürta da proé ciamó en iade y da creie che te m'ôs bun y che tö te fistidieies de me. – I te preii, o Signur!

God y ralegreiete, oh vergine Maria, alleluia!
Ciodiche le Signur é veramonter rosserí, alleluia.

10ª Staziun: Gejú ti sorandá a Pire l'enciaria da vardé so pastorec

I t'adorun, Gejú rosserí y i te rengraziun. *Con töa ressozeziun i aste dé vita nea al monn.*

Gejú á damané por le terzo iade a Scimun Pire: Sciomun, fi de Jan, m'oste bun? Danló á Pire ciefé la ría, ciodiche Gejú l'â damané por le terzo iade: M'oste bun? Al ti á dé resposta: Signur, tö sas döt: tö sas ch'i t'ò bun. Gejú ti á dit: Verda mies biesces! (*Jan 21, 17 ...*)

Gejú rosserí, tö i as dé a Pire y ai apostui l'enciaria da fistidié por töa Dlijia. Cherda ince te nüsc tomps ei y eres co porta ennant l'opera dai apostui y mostremo ince a me olá che iu pó daidé costruí to regn. – I te preii, o Signur!

God y ralegreiete, oh vergine Maria, alleluia!
Ciodiche le Signur é veramonter rosserí, alleluia.



I m'arjigni ca a encunté por le pröm iade Gejú



Mio Signur y mio Dio, mi edli ne te veiga nia, mo iu creii che tö es atló dlungia me, che t'es en Pere co m'ó tan bun.
Mena jö to Spirit a daurí mio cör ch'i toli sò Gejú con amur y fede, t'encuntada dla Pröma Comegnun.
Ciara dala oma y dal pere y de düc chi co m'ó bun.
Deidemo ch'i cresci sò bun y ch'i romagni dagnora t'amizizia con Gejú.
Amen